

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas IV.

[urn:nbn:de:hbz:466:1-50306](#)

us.
in-
in-
eti-
am
per
ion
tio
pe-
er-
ior
ciat
illo-
sse,
vi-
stu
uta
tur
io-
ali-
na-
tu-
m:
ili-

debilitas, mons difficultatum, & vallis ja-
etiarum. Denique non est vitium, quod
caro non steterit.

29. Quemadmodum numeri, & divi-
sionem suam habent, & integritatem; ita
& vitia. Eadem quippe ratione, quâ dici-
mus, tria & tria sunt sex, verum quoque
erit dicere: vilitas animi, & ambitio fa-
ciunt superbiam: rancor, & elatio in-
vidiam.

30. Nulla melior Legum glossa, ac
Principis exemplum: omnes indè im-
buuntur, omnes percipiunt, quidquid
in eo legerint, porrò exempli efficacia
sumenda non est à persona, quæ illud de-
derit, sed ab opere, quod patrârit. Im-
plèsse legem, non posuisse vim habet. In
Legibus mens est regnantium, in factis vi-
ta subditorum. Exemplum malum de
nullo sumendum est, de malis aliquando
bonum. Neque justi semper agunt, quod
melius est, neque perversi semper ne-
gligunt, quod bonum.

DECAS IV.

31. Generosos juvat prudentia: auda-
ces fortuna: arrogantes patientia aliena:

humiles propria : superbos vilitas su a

32. Perversum est erroris conscientia vivere, lugendum in eo decessisse. Hoc agit, qui non contentus immersisse se vanitatibus, dum vixerat, in id quoque curas ponit, ut earundem memoria super sit post mortem.

33. Quis non illacrymetur iis, qui dum mundum effectu deserunt, tenent affectu, relinquentes in eo pignus perpetuum voluntatis suæ vel deceptæ, vel vitiæ. Vanum emori vanitas est totius vitæ vanissima.

34. Tristissima vanitatis, & deceptio-
nis victima mors illius est, qui sentiens finiri vitam, non advertit finiri stultitiam suam.

35. O! perversissimam mundi fidem! toties illudentem nobis, nunquam tamen non amatam! Ubi ille te negligit, ac penè contemptim habet, tu curâ illius adeò tangeris, ut curam negligas Dei.

36. Nemo, quod in pretio habet, desidiosè curat: solet æstimatio solicitudinē imperare. Quæ par superbo magnitudo? & tamen depositâ curâ vilescit sibi: nul-
lius

lius satagit minùs, quām sui. Negligit morum probitatem, ut augeat honoris plausum, propriis se damnans votis, cùm inde vilescat, unde quærit æstimari.

37. Aula Regia centrum est mundi; eò se colligit omnis gravitas vitiorum. Illuc invidia iter instruit: eò adulatio progeditur, post se trahens mendacium, fidissimum Achatem. Christus Redemptor noster non nisi funibus attractus Palatum subiit, maluítque silendo mutus videri, quām loquendo mendacii suspicionem inducere. Levius judicavit notari de facultate, quām periclitari de fide veritatis.

38. Honor res est prorsus arbitraria: ibi solet investigari, ubi & infamia occurrit. Ut eum prætendas, opus est prudentiâ: ut consequaris, felicitate: ut conserves, patientiâ: ut ambias, dolo & astutiâ.

39. In assentationem Princeps se præmuniat metu, in veritatem patientiâ: ad hac non decet commoveri, ab illa caveat decipi. Præstat errorem doceri, quām ignorantem seduci.

40. Epidemia Nobilium, & contagio Principum assentatio est, Ei prævertendæ

dæ juverit colere sinceros, aperteque pe-
ctoris, execrari loquaculos, & exagerato-
res, odisse inflatos, honorisque præcupi-
dos. Aliud quoque antidotum in pestem
illam valet, si ambitioni obnoxius non sis,
amēsque modestiam statui congruentem.
In vanum recidunt laudes blandientis, si
non afficiant animum audientis.

DECAS V.

41. Loqui malè infirmitatis est: loqui
bene, virtutis: loqui vera, ingenuitatis:
opportunè loqui prudentiæ, loqui impor-
tunè, est stultiæ: non loqui, ubi loquen-
dum pusillanimi tatis.

42. Per Periphrasin mentitur, qui polli-
cita sæpius pollicetur: judicium præbet,
se nunquam facturum, qui bis dixerit: ma-
nè faciam. Jucundè quidam: per plateam
Deinde venitur ad domum *Nunquam*.

43. Silentium merentis laudari est com-
mendatio per substitutos. Omnia ora
in sui encomia solvet, qui de seipso nullum
dixerit: quemadmodum è contrario o-
mnibus ansam præbet murmurandi, qui
officium sumit seipsum deprædicandi.

44. Aëre tam corrupto nemo vixerit,
quàm